

17 OCT 2003

DR MAHATHIR ADAKAN PERBINCANGAN DUA HALA DENGAN PEMIMPIN OIC

PUTRAJAYA, 17 Okt (Bernama) -- Perdana Menteri Datuk Seri Dr Mahathir Mohamad pagi ini mengadakan beberapa perbincangan dua hala dengan pemimpin yang menghadiri Sidang Kemuncak Pertubuhan Persidangan Islam (OIC) ke-10 di sini.

Pemimpin pertama yang mengadakan pertemuan dengan Dr Mahathir di Pusat Konvensyen Putrajaya (PCC) di sini ialah Presiden Afghanistan Hamid Karzai diikuti Presiden Pakistan Pervez Musharraf dan Perdana Menteri Kuwait Sheikh Sabah Al-Ahmed Jaber Al-Sabah.

Pemimpin lain yang mengadakan pertemuan dengan Perdana Menteri ialah Presiden Sudan Umar Hassan Ahmad al-Bashir, Presiden Sierra Leone Dr Ahmed Tejan Kabbah dan Presiden Gambia Yahya Jammeh.

Dr Mahathir turut bertemu Sulejman Tihic, Presiden Bosnia dan Herzegovina dan Ketua Biro Politik Pertubuhan Pembebasan Palestin (PLO) Farouk Kaddoumi.

-- BERNAMA

MT MKO RHM